

福建叢書

第一輯

福建省文史研究館編

明·福清
葉向高撰

蒼霞草全集

(五)

福建叢書 第一輯之二

福建省文史研究館編

明·福清
葉向高撰

蒼霞草全集

(五)

江蘇廣陵古籍刻印社

蒼霞續草序

高皇帝得國之正軌於湯武故
不唯以武功首天下而於文
章一事亦欲使天下士大夫
光明正大踈暢洞達無鈎棘
槎牙之氣而其時宋金華出

而應之其財雖富其用雖鉅
歛而歸於溫厚而爾雅楊廬
陵厯事

四朝文章醇潔若不能勝其質
而終無緣飾之態岳瀋縣類
博之篇邃於學而明於理薛

河東人知其以學勝而不知
其長於詩劉永新博雅蘊藉
有先儒之風李長沙開肆和
平雖紛拏叢委之中搦毫抽
管不廢時刻與士大夫更唱
迭酬如居山林閒靜之域張

永嘉奏疏明健特達或若以
意奪理而實能發其理之所
以然徐華亭疏通紆徐不詭
作者趙內江屑然而玄論今
上久道化成端揆諸公若王太
倉鋒穎銳厲變化而高華下

筆數對倏忽以數千百語而
卒歸於剴切而委蛇斯實一
代之傑然者也夫是皆館閣
諸公佐綸扉而居台輔者也
自此而外則有王餘姚氣象
開明而詞藻沛發彼其為一

代豪傑有不偶然者而其餘
諸公名為雄長一世則皆刻
意而思鏤詞而出其才力氣
勢若有餘於館閣諸公而不
能有其和厚醞藉有欲學館
閣諸公之和厚醞藉則又繭

然而無色斯亦我

朝文章之槩也維我進卿先生
無文而無所不文其明白暢
快足恢人之耳目其典刑規
矩足範我之馳驅意加婉焉
不失其正詞加蔚焉不掩其

質蓋遠曩歲讀先生所為蒼
霞草而大有當於心謂先生
之文真可起八代之衰而非
徒以今日之位望為此諛言
而先生近示蒼霞續集則若
古栢高松稀枝直榦而鬱蒼

之氣掩映霞區蓋益易簡平
淡而益不可及矣先生向歲
過泉遠以此頌先生而先生
挹然若不足者曰令我輒茁
為之我實不能非斥不屑也
先生居恒自言為人平平耳

夫使先生以平自歎則何以
大學中庸以平天下為極也
先生當揆輔

主則平其政處於士大夫則平
其心志平其議論而今復為
此平文遠徒見夫先生之文

之無以加也中庸之贊仲尼
也曰憲章文武夫

高皇帝我朝之文武也先生之
文推明其意此先生之所以
無以加也

溫陵何喬遠書

蒼霞續草總目

卷之一

碑文

記

卷之二

記

卷之三

序

卷之四

序

卷之五

序

卷之六

序

卷之七

序

卷之八

祭文

題

言

說

策

卷之九

墓志銘

卷之十

墓志銘

卷之十一

墓志銘

卷之十二

墓志銘